

Joachim Schröder


Speculum Disciplinae Ecclesiasticae, Oder Kirchengzuchts-Spiegel/ Das ist: In Gottes Wort gegründeter Bericht/ Daß Lehrer und Prediger/ sofern sie trewlich handeln/ und nicht sich und andere ins zeitliche und ewige Verderben stürzen wollen/ Alle und jede Halßstarrige Verächter Göttliches Worts ... Vom Beichtstuel und Abendmahl/ bis sie sich in der That und Warheit bessern/ abzuweisen/ und wie Heyden trostloß zu lassen und schuldig seyn; Aus dem Fünfften Theil der Teutschen Jenischen Schriffthen d. Lutheri verfasst/ und ... Anno 1643. in Druck gegeben

Rostock, 1643

<http://purl.uni-rostock.de/rosdok/ppn756636434>

Druck Freier  Zugang






A ≐ J. A. B. H. 34

F. K. - 1041^{1.2.}

F. K. 104



SPECULUM DISCIPLINÆ ECCLESIASTICÆ,

Oder

Kirchenzuchts Spiegel/

Das ist:

In Gottes Wort gezeigeter

Bericht/

Daß Lehrer vnd Prediger / sofern sie treulich handeln /
vnd nicht sich vnd andere ins zeitliche vnd ewige Ver-
derben stärken wollen/

Alle vnd jede Halsstarrige Verächter Göttliches Wortes
vnd des Heiligen Predig-Amtes/

Vnd also vnter andern auch

Die theils in Kleidung vnd newen ärgerlichen Munsfern Leichten
vnd Hoffertige Frauen vnd Jungfrauen/

Wie denn auch insonderheit

Weil sie andern mit guten Exempeln sollen vorleuchten/

Sothane Narrische Titul-Studenten/

Besteichen auch

Die Scribten vnd derer Patronen/

Dafür die Seniores vnd Fiscäl/

Derer vor diesem von der Obrigkeit mündlich vnd schriftlich verboten/

vnd niemaln also zugelassen

National-Collegien,

gehalten werden/

Vom Beichtstuel vnd Abendmahl/ bis sie sich in der That
vnd Wahrheit bessern / abzuweisen/ vnd wie Heyden
trostlos zu lassen schuldig seyn;

Aus dem Fünfften Theil der Teutschen Jemischen Schrifften D. Lu-
theri verfasst/ vnd am Anfang des newen Kirchen-Jahrs/
als am 1. Advent Anno 1643. in Druck
gegeben /

Durch

M. JOACHIMUM SCHRÖDERUM.

Rostock/ gedruckt im Jahr 1643.

10412

30.

Denen Wol. Ehrwürdigen / Hoch- und Wolge-
lahrten Andächtigen Herren /

H. Superintendenten und Pastoren des ansehn-
lichen Heil. Predig. Ampts zu
Rostock /

samt und sonders /

Als seinen

Hochgeehrten Herren und Vielgünstigen
Collegen und Brüdern in
Christo /

Offeriret dieses zum angehenden Neuen Kirchen-Jahr mit gebüh-
render Reuerenz / und herzlichster Wünschung Göttlicher
Gnaden-Gaben und Freudigkeit / der in Kleidung Vppigkeit /
vnd etlicher Studenten-Halstarrigem Ungehorsam vnd Ver-
wegenheit / auch andern Haupt-Lasteren / nebenst andern Müg-
lichkeit nach zu steyren vnd wehren.

M. J. S.

Luth. T. 5. Germ. Jen. p. 433. seq.

Ihr solt das Heiligthumb nicht den Hunden
geben / Vnd ewre Perlen nicht vor die
See werffen. 2c.



K hat nu fast aufgepredigt / (der Herr Chris-
tus) von den Früchten und Wercken / so da folgen der Leh-
re / vnd wil nu anfahen eine Warnung oder Vermahnung /
sich zu hüten für ander Lehre / wie er auch die Apostel ver-
mahnet / da er sie außschickere zu predigen / vnd spricht / Sie-
he / Ich sende euch wie Schafe / mitten vnter die
Wölffe / Darumb seydt klug / wie die Schlangen / vnd ohn
Falsch wie die Tauben / Denn ein Christ / der Gottes Wort
führen vnd predigen sol / vnd mit dem Leben bekennen / lebt
warlich in einem fährlichen Stande / der Lente halben / vnd
gewinnet wol Ursache / zu Vngedult / weil die Welt so aus-
dermassen böse ist / vnd er darinnen lebt / als vnter Schlän-
gen vnd allerley Vnzifer. Darumb spricht er / Hüet euch / daß ihr
ewer Heiligthumb nicht vor die See vnd Hunde werffet / denn sie möchens
mit Füßen treten / oder sich wider euch kehren vnd euch zerreissen. Wil da-
mit anzeigen / vnd sie warnen / Daß / wo sie hinkommen / vnd offent-
lich in Hauffen predigen / werden sie auch Hunde vnd See
finden / die da nichts thun / denn das Evangelium zutretten /
vnd darnach die Prediger auch verfolgen.

Wer sind sie denn / die also vnser Heiligthumb zutret-
ten / vnd sich wider vns wenden? Das geschicht nu abermal /
in den beyden Stücken / Lehre vnd Leben. Denn zum ersten
thuns die falschen Lehrer / die vnser Evangelium von vns nehmen vnd
lernen / vnd kriegen also vnser Kleinod vnd köstlichen Schatz / darin wir ge-
taufft sind / leben vnd vns rühmen 2c. Vnd gehen darnach hin / an ihren
Ort / vnd fahen an wider vns zu predigen vnd kehren ihren Küffel vnd Zee-
ne wider vns / Als jetzt vnser Rottengeschwerm / die zuvor sein stille schwie-
gen / da der Papp wüthet vnd registert / daß man ihr keinen hören mucken /
Nu wir aber die Bahn gebrochen / vnd sie mit vnser schwerer Fahr / aus des

(2)

Papsts

Babsts Tyranny los gemachte/ vnd vnser Lehre gehört haben/ vnd nach-
predigen können/ Jähren sie zu/ vnd lehren sich wider vns/ sind vnser erge-
sten Feinde auff Erden/ vnd hat niemand so übel gepredigt als wir/ ohn
welche sie doch nichts davon wissen.

NB. Zum andern/ mit dem Leben gehets auch also/ aller-
meist bey vns/ da man das Evangelium verachtet/ vnd über-
drüssig wird/ vnd nu bereit dazu kommen ist/ daß man kaum
einen Pfarrherr mehr erhehren wil/ Sonderlich Juncker
Scharthans auff dem Lande/ der alle Güter zu sich reißt/ vnd die
Prediger so heilt/ daß ihnen die Lust zu predigen vergehen muß/ vnd leßt sie
seine Knechte seyn/ daß sie müssen predigen vnd thun/ was er wil. Dem
folget dennach Juncker Filz in Städten/ vnd Er Omnes/
die stellen sich als wolten sie kein Evangelium noch Gottes
Wort haben/ vnd haben doch von vns Freyheit von des Babsts Ty-
ranny/ dazu alle Güter auch eusserlich/ Nu aber wolten sie gerne vns mit
dem Evangelio zum Lande austreiben/ oder ja auffhängen.

Wolan/ wir können nicht anders machen/ müssen
leyden/ daß solche Schlangen/ Hund/ vnd Sew/ vmb vns
sind/ die beyde mit der Lehre vnd Leben das Evangelium
verderben/ vnd wo rechte Prediger sind/ den muß es allzeit
so gehen. Denn das ist des Evangelij Glück in der Welt/ vnd wenn es
wieder dahin kömpt (Wie ich offte geweißt habe/ vnd besorge/ es werde
allzubald geschehen) daß solche Leute als Papst vnd Bischöffe regieren/ so
wird es schon gar hinweg vnd vertretten/ vnd seine Prediger dahin seyn/
denn das Evangelium muß jedermans Zusach seyn/ daß alle Welt drüber
lauffe/ vnd mit Füßen trete/ sampt seinen Predigern vnd Schülern.

NB. Was sollen wir nu dazu thun? Ihe solts nicht (spricht
Christus) vor die Sew vnd Hunde werffen/ Ja lieber HERR
Sie habens bereit/ denn weil es eine öffentliche Predigt ist/ vnd in die Welt
aufgeschüttet/ So können wir nicht wehren/ daß sie nicht drein fallen vnd
zu sich reißen/ aber sie habens darumb noch nicht/ vnd wollens
ihnen (Gut lob) wol wehren/ daß sie das Heiligthumb nicht
kriegen/ die Schalen vnd Hülsen haben sie wol/ das ist/ die
fleischliche Freyheit/ aber das sey ihrentgewehret/ daß kein Hund noch Saw/
er sey ein Scharthans/ Filz/ oder Daber/ einen Buck/ haben vom Evan-
gelio kriegt/ ob er gleich alle Bücher liest/ vnd alle Predigt hört/ vnd leßt
sich düncken/ er könne es über auß wol.

Darumb

Darumb ist das die Kunst darzu/ wie Christus hie lehret/ Wenn wir eine solche Saw oder Zund sehen/ daß wir vns von ihm sondern/ wie wir mit den Rottengeistern thun/ vnd keine Gemeinschaft mit ihnen haben/ vnd ihnen keine Sacrament reichen/ Keinen Trost des Evangelij mittheilen/ Sondern anzeigen/ daß sie nichts von Christo vnserm Schatz genießten sollen/ Wenn wir das thun/ so haben wir ihnen die Perlen vnd das Heiligthumb sein genommen. Denn es sol mit kein Scharhans oder Bawer/ Schwerner oder Rottengeist/ das Evangelium vnd Christum haben/ er sol mich zuvor darumb fragen/ vnd mit mir halten/ daß ich ja dazu sage/ oder ein jeglicher rechter Prediger/ denn wer das Evangelium recht hat/ der muß es gewislich mit vns halten/ vnd eins seyn/ So ferne daß wir zuvor deß gewiß seyen/ daß wir das recht Evangelium vnd die Perlen haben. Darumb muß er vns warlich nicht mit Füßen treten/ wie Juncker Scharhans/ noch verdamnen/ wie die Rotten/ noch verachten/ wie die Bawern/ in Städten vnd Dörffern/ Sondern das liebe Wort in Ehren halten/ vnd alle die es predigen vnd gerne hören.

Wo nicht/ So halten wir sie für Sew vnd Zunde/ vnd sagen ihnen/ daß sie nichts von vns kriegen sollen/ lassen sie die weil lesen vnd hören/ vnd sich Evangelisch rühmen/ wie sie wollen/ wie ich mit etlichen Scharhansen vnd Städten thun muß. Denn das ist gewiß/ Wer das Predigamt verachtet/ der wird nicht viel vom Evangelio halten/ Weil sie denn die Pfarrherren vnd Prediger mit Füßen treten/ vnd so schmechlich halten/ daß die Bawern ihre Sew nicht so halten/ so ziehen wir vnser Perlen wieder zu vns/ vnd wollen sehen/ was sie ohn vnsern Danck werden vom Evangelio haben/ Kanstu Gottes Wort vnd seine Prediger mit Füßen treten/ so kan er dich wiederumb auch mit Füßen treten.

So wil nu Christus sagen/ Wo ihe sehet/ Daß man ewer Predigt wil verachten/ vnd mit Füßen treten/ so habt keine Gemeinschaft mit ihnen/ vnd thut euch von ihnen/ wie er Matth. 18. auch sagt/ Wer dich vnd die Gemeine nicht höret/ Den haltet als einen Heyden vnd Zölnier. Also daß man ihnen sage/ daß sie nicht Christen/ sondern verdampfte Heyden sind/

find/ vnd ihnen nichts wollen gepredigt haben/ vnd kein Theil
vnsrer Güter lassen/ Wie S. Petrus/ Act. 8. zu Simon Mag
NB. go saget/ Also thue ich vnd alle die mit ernst predigen/ das
wir vns nicht theilhaftig machen ihrer Sünde. Denn Gott
wil nicht/ das wir so heuchen sollen mit vnsern Worten/ als were ihre lehre
recht/ Sondern müssen sie für Feinde halten/ als von ihnen gesondert mit
dem Evangelio/ Tauff/ Sacrament/ vnd allem/ was sie lehren vnd leben.
Also auch müssen wir den vnsern sagen/ Wenn sie wollen am
Evangelio Theil haben/ das sie vns nichts überall verachten/
Sondern ihre Frucht beweisen/ das sie es mit Ernst meynen/
vnd zum wenigsten das Wort vnd Sacrament in Ehren hal-
ten/ vnd sich mit Demut dazu stellen.

Ja (sagen sie) mit der Weisheit wolte man wieder eine Herrschafft ma-
chen/ vnd sich selbst wieder in Stuel vnd Zwang setzen/ wie bißher der Pappst
geßessen ist/ das were nicht zu leyden/ vnd weren eben so mehr vnter dem Pappst
blieben. An.vort. Ja warlich/ Ich habe es selbst sehr Sorge/ das es so
wird gehen/ aber das wird nicht der Weg dazu seyn/ den sie vornehmen/ der
Paffen Tyrannen zu wehren/ Sondern eben der rechte Anfang dazu/ das
man sie wil verachten vnd mit Füßen treten. Denn wenn diese wege
sind/ die sie wol mit Füßen getreten/ vnd verjagt haben/ so
werden sie dennoch nicht können ohn Paffen oder Prediger
seyn. Denn Christus wil sein Regiment behalten in der Welt/ das dennoch
sein Evangelium/ Tauffe/ Sacrament/ bleiben muß/ Obs gleich kein Fürst
nicht wolt schiken/ So wil Ers thun/ weil ihuder Vater zu seiner Rechten
geseßet hat/ vnd wil das Er sol HERR seyn/ ob sie nu gleich jetzt alle Paffen
verjagen/ So werden sie Christum nicht vom Stuel werffen.
Darumb wird es ihnen also gehen/ weil sie jetzt der rechtshaf-
fen frommen Prediger nicht wollen noch leyden können/ wird
ihnen Gott andere schaffen/ die sie zwingen werden/ vnd mit
Tyranny regieren/ ärger denn vor.

Darumb sind sie auß der rechten Bahn/ vnserer Scharhanssen vnd
andere/ Die so die Köpff zusammen stecken/ vnd meinen sie wollen vns
den vnsen vnd vnter sich zwingen/ Wissen nicht/ das ein ander dro-
ben sitzt/ der das Regiment hat/ vnd sagt/ Wolt ihr nicht
rechte Prediger haben/ so habt den Teuffel mit seinen Predi-
gern/ die euch Lügen predigen/ die ihr müßet annehmen/ vnd
müßet

müßet sie dazu lassen Herr seyn/ vnd alle Plag von ihnen leyden/ wie es bereit über vnser Teutschland gehet/ da man das Evangelium nicht hat wollen annehmen/ vnd noch verfolget/ daß sie alle Winkel voll Rotten/ Schwärmer/ vnd Wiedertäufer haben/ vnd Könnens nicht wehren.

Das were aber der rechte Weg solchs zu vorkommen/ Wenn man das Evangelium mit Ernst meynete/ vnd GOTT treulich bete/ daß Er rechte trewe Arbeiter in seine Erndte schickte/ da dürffte man der Sorge nicht/ Denn solche Prediger würden vns nicht drücken noch zwingen/ oder emigen Schaden thun/ an Leib oder Seele/ sondern jederman fördern vnd helfen/ vnd alles guets thun/ wie man an vns erfahren hat/ daß wir vns wol mögen rühmen/ vor GOTT vnd der Welt/ daß wir ja keine Herrschafft noch vnsern Ruh gesucht/ Sondern aller Welt gedienet mit vnserm Leib vnd Leben/ niemand beschweret noch Schaden gethan/ Sondern jederman gerne geholffen/ auch zeitlich/ vnd dazu drüber leyden/ alle Fahr/ Gewalt/ vnd Verfolgung. Weil man denn vnser nicht mehr mag/ So sol GOTT geben/ daß nach vns andere kommen/ die anders mit ihnen vmbgehen/ drücken/ plagen/ vnd schinden/ Auff daß sie sehen/ was sie an vns gehabt haben/ vnd sollens von solchen leyden/ die sie jetzt nicht ansehen/ vnd nicht gerne zu Stallbüben hetten. Denn sie sind auch nicht bessers wehret/ denn daß sie solche Tyrannen haben/ die siemüssen fürchten/ wie sie den Papsst gehabt haben/ der war ein recht Regent für sie. Vnsere tollen Fürstenhabens auch bereit gelernt/ vnd habens im Sinn/ daß sie wollen zwanglos seyn/ vnd nicht mehr den Papsst fürchten/ Heben an die Pfaffen zu schützen/ aber nicht vmb ihren Willen/ Sondern daß Sie sie vnter sich zwingen/ daß sie müssen ihrer Gnade leben/ vnd schützen sie so/ daß sie lieber solten zu vns fallen/ die sie für Feinde achten/ denn sich so von ihnen. vnter dem Namen des Schutzes/ zu außßen lassen/ aber so sol vnd muß es gehen/ vnd geschicht ihnen beyden recht.

Aber bey den Christen sol es nicht so seyn/ Sondern was recht schaffen fromme Herren sind/ sollen ihre Pfarrherr vnd Prediger in allen Ehren halten/ mit aller Demut vnd Liebe/ vmb des HERRN Christi vnd seines Wortes willen/ vnd sie groß achten/ als ein lösslich Geschenk vnd Aleynod von GOTT gegeben/ aber alle zeitliche Schäze vnd Güter. Dergleichen

- werden auch die rechten frommen Prediger mit allen Trewen
 nichts anders suchen/ denn aller Leute Nutz vnd Heyl/ ohn alle
 NB. Beschwerde/ beyde des Gewissens/ vnd auch eusserlich an zeit-
 lichen Gütern vnd leiblichem Wesen. Wer sie aber verach-
 tet/ der wisse/ daß er kein Christen ist/ vnd den Schatz wieder
 verlohren hat/ Wir predigen vnd vermahnen jederman/ wer
 es annehmen vnd mit vns halten wil/ wer aber nicht wil/ vnd
 doch mit dem Schein vnd Namen des Evangelij oder Christli-
 cher Brüderschafft vns verachtet/ vnd mit Füßen wil treten/
 NB. Wider solche brauchen wir auch der Kunst/ daß wir sie den
 Schein lassen haben/ aber im Grund alles wieder zu vns neh-
 men/ daß sie nichts überall behalten. Denn wir haben den
 Befehl/ daß wir vns von ihnen sondern/ ob wirs wol nicht gern
 thun/ vnd lieber wolten daß sie bey vns blieben/ aber weil sie
 NB. nicht wollen/ Müssen wir sie auch lassen fahren/ vnd nicht vmb
 ihrent willen vnsern Schatz lassen verderben/ oder von ihnen
 lassen getreten werden.

Bedencken D. M. Lutheri,

Vom Bann wieder auffzurichten/vor 100. Jahren publicirt

T. 8. Jen Germ. p. 171.

Ihret wol daran/ vnd liesse mirs gefallen/ So ihr den Bann
 wieder anrichten köntet/nach Weise vnd Exempel der ersten Kirchen.
 Aber es würde den Hofjunckern ewer Fürnehmen sehr saul thun/ vnd
 sie hart verdriessen/ Als die nu des Zwangs entwonet sind. Vnser
 Herr Gott stehe euch bey/ vnd gebe sein Bedenken darzu.

Hoch were solche Disciplin von nöthen/ Denn der Muthwille/ daß je-
 derman thut was er nur wil/ nimpt zusehens überhand/ vnd wird durch auß
 ein lauer Schinderey/ Da geben die Regenten Ursach zu/ Ehen durch die
 Finger/ lassen solchen grossen Muthwillen ungestrafft/ Als die jetzt nichts an-
 ders zu thun haben/denn daß sie eine Schatzung über die ander ihren armen
 Vnerthanen auffdringen/ Daß nu hinfort der mehrer Theil Herrschafften/
 nichts anders sind/ denn Kemerey vnd Zollhäuser. Drum wird sie der
 Herr in seinem Zorn vertilgen. Ach daß doch derselbige Tag vnser Erlös-
 sung schier keme/ vnd mache des grossen Jammers vnd Teuffelischen
 Wesens ein Ende/ Amen.

